



VICTORIA

INTERNATIONAL UNIVERSITY

PRAVILNIK

O MINIMALNIM UVJETIMA ZA IZBOR U ZVANJA NASTAVNIKA I
SARADNIKA NA VIKTORIA INTERNACIONALNOM UNIVERZITETU

Mostar, 2024. godine

Na osnovu člana 54. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona", broj 4/12) te čl. 36. Statuta, Senat Viktoria Internacionalnog univerziteta na sjednici održanoj dana 29.02.2024. godine donio je:

**PRAVILNIK O MINIMALNIM UVJETIMA ZA IZBOR U ZVANJA NASTAVNIKA I
SARADNIKA NA VIKTORIA INTERNACIONALNOM UNIVERZITETU**

1. OPĆE ODREDBE

Član 1.

Ovim Pravilnikom sadržajno se objašnjava postupak izbora nastavnika i saradnika na Viktoria Internacionalnom univerzitetu (u daljem tekstu: Univerzitet).

Član 2.

- 1) Zvanja nastavnika na akademskim studijama su:
 - a) redovni profesor,
 - b) vanredni profesor,
 - c) docent.
- 2) Zvanja saradnika na akademskim studijama su:
 - a) viši asistent i
 - b) asistent.

Član 3.

U zvanje nastavnika i saradnika može biti izabrano lice koje ispunjava kriterijume propisane pozitivno pravnim propisom, odnosno Zakonom o visokom obrazovanju HNK-a, odnosno odredbama koje utvrđuju minimalne uslove za izbor u zvanje nastavnika i saradnika na Univerzitetu, Statutom Univerziteta, ovim Pravilnikom o izboru u zvanja i Pravilnikom o klasifikaciji naučnih područja, polja i grana.

2. MINIMALNI USLOVI ZA IZBOR - POSTUPAK IZBORA

Član 4.

Izbori u zvanja na Univerzitetu zasnivaju se na ostvarenim i mjerljivim rezultatima rada kandidata, koji se, pored opštih uslova, iskazuju ispunjenjem sljedećih uslova:

1. OBAVEZNI USLOVI:

- 1.1. nastavni rad; i
- 1.2. naučno-istraživački rad;

2. IZBORNI USLOVI:

- 2.1. stručno-profesionalni doprinos;
- 2.2. doprinos akademskoj i široj zajednici i
- 2.3. saradnja sa drugim visokoškolskim, naučno - istraživačkim ustanovama u zemlji i inostranstvu.

Član 5.

1. Kandidat za izbor u zvanje mora da ispuni sve izborne elemente, koji moraju da budu navedeni i obrazloženi u referatu komisije o prijavljenim kandidatima za izbor u zvanje.
2. Za svaku od odrednica izbornih uslova koje kandidat ispunjava, neophodno je priložiti dokaz u formi odluke, rješenja, potvrde i drugo.
3. Nastavnik koji se bira u zvanje redovnog profesora mora ispunjavati i uslove za mentora za vođenje doktorske disertacije.
4. Prijedlog za pokretanje postupka za izbor u više zvanje podnosi naučno - nastavno vijeće fakulteta.
5. Nastavno - naučno vijeće imenuje Komisiju za razmatranje konkursnog materijala i pisanje izvještaja za izbor u akademsko zvanje. Komisija se sastoji od najmanje tri nastavnika.
6. Predsjednik Komisije mora biti iz uže naučne oblasti i u višem nastavnom zvanju u odnosu na kandidata.
7. Izuzev predsjednika Komisije ostali članovi mogu biti u istom ili višem zvanju u koje se kandidat bira i ne mogu biti u srodstvu sa kandidatom.
8. Na temelju prijedloga komisije, naučno - nastavno vijeće utvrđuje prijedlog za izbor u daljnjem roku od 15 dana i dostavlja ga Senatu univerziteta.
9. Senat univerziteta dužan je donijeti odluku ili neće donijeti odluku o izboru u roku od 30 dana od dana dostavljanja prijedloga, sa pisanim obrazloženjem zbog čega kandidat nije izabran.

3. REDOVNI PROFESOR

Član 6.

Obavezni uslovi za izbor u zvanje redovnog profesora:

1. Iskustvo u pedagoškom radu sa studentima,
2. Pozitivna ocjena pedagoškog rada u studentskim anketama tokom cjelokupnog proteklog izbornog perioda,
3. najmanje dvije objavljene knjige,
4. najmanje osam znanstvenih radova objavljenih u priznatim publikacijama, sve nakon stjecanja zvanja izvanrednog profesora,
5. uspješno mentorstvo kandidata za stupanj drugog i trećeg ciklusa;
6. Rezultati u razvoju naučnonastavnog podmlatka na fakultetu (učešće u

komisijama za izbor u zvanja i drugo),

4. VANREDNI PROFESOR

Član 7.

Obavezni uslovi za prvi izbor u zvanje vanrednog profesora na razdoblje od šest (6) godina.

1. Iskustvo u pedagoškom radu sa studentima, odnosno, od strane visokoškolske ustanove,
2. Pozitivna ocjena pedagoškog rada u studentskim anketama tokom cjelokupnog proteklog izbornog perioda (ako ga je bilo),
3. Provedeno najmanje jedno izborno razdoblje u zvanju docenta,
4. Najmanje pet znanstvenih radova objavljenih u priznatim publikacijama,
5. Objavljena knjiga, (sa ISBN brojem) iz naučne oblasti za koju se bira, u periodu od izbora u prethodno zvanje.
6. Sve naprijed navedeno nakon izbora u zvanje docenta te uspješno mentorstvo kandidata za stupanj drugog ciklusa;
7. Originalno stručno ostvarenje ili rukovođenje ili učešće u projektu.
8. Odobren univerzitetski udžbenik za predmet iz studijskog programa fakulteta, odnosno univerziteta ili naučna monografija (sa ISBN brojem) iz naučne oblasti za koju se bira, u periodu od izbora u prethodno zvanje.

Obavezni uslovi za svaki sljedeći izbor u zvanje vanrednog profesora

1. Iskustvo u pedagoškom radu sa studentima.
2. Pozitivna ocjena pedagoškog rada u studentskim anketama tokom cjelokupnog proteklog izbornog perioda.
3. Najmanje pet znanstvenih radova objavljenih u priznatim publikacijama,
4. Objavljena knjiga, (sa ISBN brojem) iz naučne oblasti za koju se bira, u periodu od izbora u prethodno zvanje, sve nakon izbora u zvanje docenta te, uspješno mentorstvo kandidata za stupanj drugog ciklusa;

5. DOCENT

Član 8.

Opšti uslov: Naučni naziv doktora nauka iz naučne oblasti za koju se bira stečen na akreditovanom univerzitetu i akreditovanom studijskom programu u zemlji ili diploma doktora nauka stečena u inostranstvu, priznata u skladu sa Zakonom o visokom obrazovanju, s tim da ima najmanje tri godine pedagoškog iskustva na visokoškolskoj ustanovi. Obavezni uslovi za prvi izbor u zvanje docenta:

1. Pristupno predavanje iz oblasti za koju se bira, pozitivno ocjenjeno od strane visokoškolske ustanove.

2. Pozitivna ocjena pedagoškog rada u studentskim anketama tokom cjelokupnog proteklog izbornog perioda (ako ga je bilo).
3. Objavljeno najmanje tri rada iz naučne oblasti za koju se bira.

Obavezni uslovi za svaki sljedeći izbor u zvanje docenta:

1. Iskustvo u pedagoškom radu sa studentima.
2. Pozitivna ocjena pedagoškog rada u studentskim anketama tokom cjelokupnog proteklog izbornog perioda.
3. Objavljeno najmanje tri rada u periodu od posljednjeg izbora iz naučne oblasti za koju se bira.

Član 9.

6. VIŠI ASISTENT

Opšti uslov:

Obavezni uslovi za izbor u zvanje višeg asistenta,

1. proveden jedan izborni period u zvanju asistent,
2. završen stepen drugog ciklusa (magisterij),
3. viši asistent se bira na razdoblje od pet (5) godina s mogućnošću reizbora isključivo ako postigne stepen trećeg ciklusa,
4. najmanje tri znanstvena rada objavljenih u priznatim publikacijama, sve nakon stjecanja zvanja asistenta,
9. pozitivna ocjena pedagoškog rada u studentskim anketama tokom cjelokupnog proteklog izbornog perioda.

7. ASISTENT

Član 10.

Obavezni uslovi za izbor u zvanje asistenta:

1. odgovarajući univerzitetski stepen s najmanje 240 ECTS bodova i najnižom prosječnom ocjenom 3,5 ili 8.
2. asistent se bira na razdoblje od četiri (4) godine bez mogućnosti reizbora;

8. STRUČNO PROFESIONALNI DOPRINOS

Član 11.

Stručni -profesionalni doprinos se ogleda u sljedećem:

1. (ko)autor elaborata ili studije,
2. (ko)autor patenta, tehničkog unapređenja ili inovacije,
3. rukovodilac ili saradnik na naučnom projektu,
4. predsjednik ili član uređivačkog odbora naučnih časopisa ili zbornika radova u zemlji ili inostranstvu,
5. recenzent naučnog projekta,
6. recenzent u vodećim naučnim časopisima,
7. predsjednik ili član organizacionog ili naučnog odbora ili programskog odbora na naučnim skupovima,

8. predsjednik ili član komisija za izradu završnih radova na akademskim osnovnim, master ili doktorskim studijama.

9. DOPRINOS AKADEMSKOJ I ŠIROJ ZAJEDNICI

Član 12.

Doprinos akademskoj i široj zajednici se ogleda u sjedećem:

1. Članstvo u nacionalnim ili međunarodnim naučnim, umjetničkim, stručnim organizacijama, institucijama od javnog značaja, kulturnim institucijama,
2. Predsjednik ili član organa upravljanja, stručnog organa ili komisija na fakultetu ili univerzitetu u zemlji ili inostranstvu,
3. Učešće u nastavnim aktivnostima van studijskih programa visokoškolske ustanove ili u vannastavnim aktivnostima studenata,
4. Učešće u aktivnostima od značaja za unapređenje ugleda i statusa univerziteta i fakulteta,
5. Nagrade i priznanja u sferi obrazovanja i naučnoistraživačkog/umjetničkog rada,
6. Učešće u aktivnostima vezanim za dobijanje sredstava za naučnoistraživačke/umjetničke projekte,
7. Volonterski rad u okviru djelatnosti fakulteta (na primjer, psihološko savjetovanje, pravna klinika, prevodilačke usluge, preduzetničko savjetovanje, lektorisanje i korektura...itd.),
8. Učešće u realizaciji programa za širu društvenu zajednicu (edukacija, prevencija, istraživački rad... itd.),
10. Rad na popularizaciji nauke, odnosno, umjetnosti,
11. Učešće u komisijama za izbor u zvanje nastavnika.

10. SARADNJA SA DRUGIM VISOKOŠKOLSKIM, NAUČNOISTRAŽIVAČKIM USTANOVAMA, ODNOSNO USTANOVAMA KULTURE ILI UMETNOSTI U ZEMLJI I INOSTRANSTVU

Član 13.

Saradnja sa drugim visokoškolskim, naučnoistraživačkim ustanovama, odnosno ustanovama kulture ili umjetnosti u zemlji i inostranstvu podrazumjeva:

1. studijski boravci i usavršavanje u inostranstvu,
2. učešće u međunarodnim naučnim, umjetničkim ili stručnim projektima ili studijama,
3. angažovanje u nastavi ili komisijama, ili na projektima na drugim visokoškolskim ili naučnoistraživačkim ustanovama u zemlji ili inostranstvu, ili zvanje gostujućeg profesora ili istraživača.
4. učešće u programima razmjene nastavnika i studenata.
5. učešće u organizovanju i sprovođenju zajedničkih studijskih programa

- ili drugih obrazovnih programa,
6. rukovođenje radom ili članstvo u organu ili profesionalnom udruženju ili organizaciji nacionalnog ili međunarodnog nivoa,
 7. plenarna predavanja ili predavanja po pozivu ili izlaganja na nacionalnom naučnom skupu sa međunarodnim učešćem ili međunarodnom naučnom skupu,
 8. predavanja po pozivu na univerzitetima u zemlji ili inostranstvu.

11. IZVJEŠTAJ KOMISIJE

Član 14.

Izvještaj Komisije sadrži:

- a) osnovne biografske podatke;
- b) biografiju,
- c) diplome i zvanja;
- d) pregled i mišljenje o naučnom, stručnom i obrazovnom radu prijavljenog kandidata, zaključno mišljenje i prijedlog Komisije.

Član 15.

Osnovni biografski podaci sadrže sljedeće informacije: ime, ime jednog roditelja, prezime; datum i mjesto rođenja, ustanove u kojima je bio zaposlen, zvanja/radna mjesta i područje - polje, članstvo u naučnim i stručnim organizacijama ili udruženjima.

Član 16.

1. U dijelu koji sadrži podatke o biografiji, diplomama i zvanjima obavezno se za sve kandidate navode podaci o osnovnom studiju, postdiplomskom studiju, doktoratu i prethodnom izboru u nastavna i naučna zvanja. Za osnovne studije se navodi naziv ustanove na kojoj je kandidat studirao, te mjesto i godina završetka.
2. Podaci o postdiplomskom studiju sadrže naziv ustanove, mjesto i godinu završetka i "polje" iz koje je kandidat magistrirao.
3. Podaci o doktoratu sadrže naziv ustanove na kojoj je kandidat doktorirao, naziv, mjesto i godinu odbrane doktorske disertacije, te "polje" iz kojeg je kandidat doktorirao.
4. Obavezno se navode svi prethodni izbori u nastavna i naučna zvanja, sa nazivom institucije i godinom izbora.

Član 17.

Za svakog prijavljenog kandidata se daje prijedlog aktivnosti po osnovu naučnog rada, po osnovu obrazovnog rada i po osnovu stručnog rada.

Član 18.

1. Na kraju izvještaja, Komisija o prijavljenim kandidatima daje

zaključno mišljenje koje predstavlja obrazloženje prijedloga Komisije.

2. Ukoliko jedan ili više kandidata zadovoljava uslov za izbor u zvanje prema konkursu, Komisija predlaže kandidata sa naznakom za koje zvanje na Univerzitetu se predlaže, u skladu s konkursnim zahtjevom.

Član 19.

Saglasnost sa izvještajem o izboru u zvanje na Univerzitetu svi članovi Komisije potvrđuju svojim potpisom. Ukoliko neko od članova Komisije nije saglasan sa prijedlogom o izboru, dužan je svoje izdvojeno mišljenje dostaviti u pisanom obliku, koji čini dio izvještaja Komisije.

12. POSTUPAK ODUZIMANJA ZVANJA

Član 20.

1. Ako se nakon izbora u odgovarajuće zvanje dokaže da radovi na osnovu kojih je izvršen izbor u akademsko zvanje predstavljaju plagijat, pokreće se postupak za oduzimanje zvanja.
2. Odluku o pokretanju postupka iz stava 1. ovog člana donosi Senat po sopstvenoj inicijativi ili na prijedlog Nastavno-naučnog vijeća.

Član 21.

1. Senat, uz prethodno mišljenje Nastavno-naučnog vijeća, a nakon pokretanja postupka za oduzimanje zvanja, imenuje Komisiju koja podnosi izvještaj Senatu s prijedlogom o oduzimanju zvanja ili odbijanju inicijative za oduzimanje zvanja.
2. Komisija, iz prethodnog stava ovog člana, ima najmanje pet članova, koji ne mogu biti u zvanju nižem od zvanja koje ima lice protiv kojeg je pokrenut postupak.
3. Odluka Senata je konačna.

13. ZAVRŠNE ODREDBE

Član 22.

1. Nastavnik, odnosno saradnik, koji je na Univerzitetu biran u zvanje nastavnika ili saradnika i u radnom je odnosu sa punim radnim vremenom, može biti angažovan na drugoj licenciranoj visokoškolskoj ustanovi, uz saglasnost Univerziteta.
2. Odluku o saglasnosti za angažman nastavnika, odnosno saradnika, na drugoj licenciranoj visokoškolskoj ustanovi, na zahtjev nastavnika, odnosno saradnika donosi Rektor Univerziteta.
3. Angažman nastavnika, odnosno saradnika, dozvoljava se pod uslovom da se time ne utiče na kvalitet rada na Univerzitetu, odnosno ne dovodi do

sukoba interesa.

4. Angažman nastavnika, odnosno saradnika bez odluke Univerziteta, smatraće se težom povredom radne obaveze.

5. Angažman nastavnika, odnosno saradnika, na srodnom fakultetu ili studijskom programu u BiH, smatraće se kao sukob interesa i teža povreda radne obaveze.

Član 23.

Pravilnik stupa na snagu osmog dana od dana objave na oglasnoj tabli Univerziteta.

Predsjedavajući Senata Univerziteta

Prof.dr. Asim Peco

Mostar, 29.02.2024.